

gagayahin natin ang ginawa kanina nila [Magulang] at [Anak]. Maaaring balikan ang mga linya dito [ituro ang Manila paper]. Alalahanin ang mga pundasyon habang nag-One-on-One Time—Araw, Laro, at Atensyon! Kung handa na ang lahat—Lights, Camera, Action!

GAWIN: *Parehong mag-iikot ang mga facilitator sa grupo upang maging “shadow” o gabay para sa mga nagpa-praktis. Manatiling malapit sa magulang/anak at magbigay ng suporta kung kinakailangan. Magpraktis nang 2 minuto—huwag itong pahabain nang ‘di kinakailangan.*

SABIHIN: Huling 3 bilang at ibabalik na natin ang atensyon sa buong grupo. Maghanda na—3-2-1, Cut! Salamat sa lahat ng inyong nakaka-engganyong pagpraktis. Nakakita kami ng mga mahuhusay na artista habang naglilibot sa grupo! Ngayon, hihingi naman kami ng mga gustong magbahagi ng kanilang naging karanasan sa practice.

SABIHIN: Noong kayo po yung anak kanina, ano ang naramdaman ninyo nang nakipag-One-on-One Time ang iyong magulang kasama kayo?

GAWIN: *Pumili ng 3-5 na kalahok na magbabahagi ng kanilang karanasan.*

SABIHIN: Salamat! Noong kayo naman ang magulang, ano ang naramdaman ninyo noong nakapag-One-on-One Time kayo kasama ang iyong anak?

GAWIN: *Pumili ng 3-5 na kalahok na magbabahagi ng kanilang karanasan.*

SABIHIN: Salamat sa pagbabahagi ng inyong karanasan sa pagpraktis bilang mag-partner, [Pangalan ng Magulang at Anak]. Napakahusay ninyong lahat! Alalahanin natin ang ating mga naging karanasan sa pagpapatuloy ng ating pagpraktis ng MaPa skills sa bahay. Ngayon, ihanda na natin ang ating mga sarili para sa ilang gawain bago matapos ang sesyon ngayong araw.

4 – PABAONG GAWAIN

4.1 - Paglilinaw

SABIHIN: Gusto naming marinig ang inyong mga saloobin tungkol sa pakikipag-One-on-One Time kasama ang pamilya. Mayroon bang makakaisip ng isang salita upang ilarawan ang kanilang mga natutunan o mahahalagang bagay mula sa ating talakayan ngayon?

GAWIN: Pumili ng humigit-kumulang tatlong magulang para magbahagi.

SABIHIN: Masaya naming malaman na ang unang modyul ay naging kapaki-pakinabang para sa inyo! Bago tayo magpatuloy, mayroon ba kayong gustong tanungin o linawin?



Paalala sa Facilitator: Magbigay ng ilang minuto para makapagtanong ang mga magulang. Alalahaning magpasalamat sa mga magulang sa kanilang mga katanungan. Bago mo ibigay ang iyong sariling sagot, bigyan ang grupo ng pagkakataong pag-isipan ito at sumagot sa pamamagitan ng pagsabi "Magandang tanong iyan! Ano po sa tingin ng iba ang pwedeng isagot o solusyon diyan?"

4.2 - Pagbibigay ng Pabaong Gawain

SABIHIN: Maraming salamat sa pagbabahagi ng inyong mga ideya. Para sa pabaong gawain ngayong linggo, ipapraktis ng mga magulang ang pagwa-One-on-One Time nang 5 minuto o higit pa kada araw. Tandaan, **ang pagsasabahay ay pagsasabuhay!**

4.3 - Suporta Mula sa MaPa Partners

SABIHIN: Upang makatanggap ng suporta mula sa ating mga kagrupong sa pagitan ng mga sesyon, magkakaroon tayo ng MaPa Partners! Sa pamamagitan ng MaPa Partners, maaari tayong magbahagi ng mga karanasan, tagumpay, at solusyon sa isa't isa at bumuo ng ugnayan na magtatagal kahit matapos ang programa. Maaaring makatulong na pumili ng isang MaPa Partner na nakatira malapit sa inyo para mas madaling makipagkita bawat linggo upang pag-usapan ang inyong mga pabaong gawain.



Paalala sa Facilitator: Magplano nang maaga para siguraduhing lahat ng mga magulang ay may MaPa partner na nakatira malapit lang sa kanila.

5 – PAGTATAPOS

5.1 - Pagbibigay ng Papuri sa Sarili at sa Partner

SABIHIN: Para sa ating huling gawain, magkakaroon tayo ng Pagbibigay ng Papuri sa Sarili at sa Partner.